

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO TRGOVINE, TURIZMA I SAOBRAĆAJA

Broj: 05/1-23-033161-4/25
Tuzla, 18.11.2025. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), tačke V Programa o utrcšku namjenskih sredstava uplaćenih na osnovu naknada za obavljene tehničke preglede vozila za 2025. godinu – vrsta prihoda 722424, broj 02/1-23-3625/25 od 19.02.2025. godine i člana 8. Odluke o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila-kapitalni transferi privatnim preduzećima i poduzetnicima („Službene novine Tuzlanskog kantona“, broj 6/25) i Odluke o dopuni Odluke o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila-kapitalni transferi privatnim preduzećima i poduzetnicima, broj 02/1-23-29012/25 od 07.10.2025. godine, ministar trgovine, turizma i saobraćaja (u daljnjem tekstu: ministar), donosi

ODLUKU

o utvrđivanju konačne liste o odobravanju finansijskih sredstava korisnicima s iznosima i namjenom - kapitalni transferi privatnim preduzećima i poduzetnicima po ponovljenom javnom pozivu

I

Odobrava se isplata finansijskih sredstava u vidu kapitalnih transfera privatnim preduzećima koja su kandidovala projekte po ponovljenom javnom pozivu za raspodjelu namjenskih sredstava prikupljenih po osnovu naknade za obavljene tehničke preglede vozila u cilju sufinansiranja projekata izgradnje i postavljanja punionica za punjenje cestovnih vozila s pogonom na električnu energiju za javnu upotrebu na području Tuzlanskog kantona - kapitalni transferi privatnim preduzećima i poduzetnicima koji je objavljen na web stranici Vlade Tuzlanskog kantona i Ministarstva trgovine, turizma i saobraćaja (u daljnjem tekstu: Ministarstvo) dana 17.10.2025. godine u iznosu od 25.000,00 KM i to kako slijedi:

Redni broj	Naziv pravnog lica (Korisnik sredstava)	Naziv projekta (Namjena sredstava)	Iznos odobrenih finansijskih sredstava
1	„Zeka-comerc“ d.o.o. Gračanica	Izgradnja i postavljanje DC punionice (punionice sa brzim punačima) na parking prostoru TC Zeka-comerc, Gračanica	25.000,00
UKUPNO:			25.000,00

II

Sredstva iz tačke I ove odluke realizovat će se sa potrošačke jedinice 22010001, namjenska sredstva Ministarstva, ekonomski kod 615500- kapitalni transferi privatnim preduzećima i poduzetnicima (funkcija 0451).

III

(1) Međusobna prava i obaveze između Ministarstva i korisnika sredstava bit će regulisani posebnim ugovorom.

(2) U roku od 15 dana od dana donošenja ove odluke, Ministarstvo će zaključiti ugovore sa korisnicima sredstava iz tačke I ove odluke, kojim će regulisati međusobna prava, obaveze i odgovornosti.

IV

Za realizaciju ove odluke zadužuje se Ministarstvo finansija, koje će odobrena sredstva iz tačke I ove odluke prebaciti na račun korisnika sredstava, nakon što Ministarstvo dostavi zahtjev za plaćanje.

V

Odluka stupa na snagu danom donošenja i bit će objavljena na web stranici Vlade Tuzlanskog kantona i Ministarstva.

Dostaviti:

1 x Web stranica Vlade TK i Ministarstva

1 x a/a



MINISTAR

Almir Žilić, dipl.ecc

OBRAZLOŽENJE

Članom 56. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05) propisano je ovlaštenje ministra u rukovođenju ministarstvom.

Tačkom V Programa o utrošku namjenskih sredstava uplaćenih na osnovu naknada za obavljene tehničke preglede vozila za 2025. godinu – vrsta prihoda 722424, broj 02/1-23-3625/25 od 19.02.2025. godine, regulisano je da će se sredstva raspoređivati u skladu sa odlukom o uslovima, kriterijima i postupku raspodjele sredstava koju donosi Vlada Kantona na prijedlog Ministarstva po postupku javnog oglašavanja. Na osnovu donesenih kriterija, a nakon provedenog postupka, Ministarstvo donosi odluku o odobravanju finansijskih sredstava korisnicima sa iznosima i namjenom.

Vlada Tuzlanskog kantona je na prijedlog ministarstva donijela Odluku o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila-kapitalni transferi privatnim preduzećima i poduzetnicima („Službene novine Tuzlanskog kantona“, broj 6/25) i Odluku o dopuni Odluke o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila-kapitalni transferi privatnim preduzećima i poduzetnicima, broj 02/1-23-29012/25 od 07.10.2025. godine kojom je omogućeno raspisivanje ponovljenog javnog poziva.

Na osnovu Odluke o dopuni Odluke o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila-kapitalni transferi privatnim preduzećima i poduzetnicima, broj 02/1-23-29012/25 od 07.10.2025. godine, ministar trgovine, turizma i saobraćaja je donio Odluku o raspisivanju i dužini trajanja javnog poziva, broj 05/1-23-030827/25 od 13.10.2025. godine.

Ponovljeni javni poziv za raspodjelu namjenskih sredstava prikupljenih po osnovu naknade za obavljene tehničke preglede vozila u cilju sufinansiranja projekata izgradnje i postavljanja punionica za punjenje cestovnih vozila s pogonom na električnu energiju za javnu upotrebu na području Tuzlanskog kantona - kapitalni transferi privatnim preduzećima i poduzetnicima, objavljen je na web stranici Vlade Tuzlanskog kantona i Ministarstva trgovine, turizma i saobraćaja 17.10.2025. godine. Rok za dostavljanje prijave na ponovljeni javni poziv je bio 05.11.2025. godine do 15,00 sati.

Postupajući u skladu sa članom 4. Odluke o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila-kapitalni transferi privatnim preduzećima i poduzetnicima, Ministar je donio Rješenje, broj 05/1-23-033161/25 od 06.11.2025. godine, kojim je imenovana Komisija za ocjenu pristiglih prijavi i raspodjelu sredstava po ponovljenom Javnom pozivu, sa zadatkom da razmotri prijave po ponovljenom javnom pozivu za dodjelu sredstava, utvrdi da li su ispunjeni uslovi i kriteriji utvrđeni Odlukom o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila-kapitalni transferi privatnim preduzećima i poduzetnicima („Službene novine Tuzlanskog kantona“, broj 6/25), Odlukom o dopuni Odluke o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila – kapitalni transferi privatnim preduzećima i poduzetnicima, broj 02/1-23-29012/25 od 07.10.2025. godine i Odlukom Ministarstva trgovine, turizma i saobraćaja o raspisivanju i dužini trajanja javnog poziva, broj 05/1-23-030827-25 od 13.10.2025. godine, sačini preliminarnu listu sa nazivom pravnog lica, nazivom projekta, vrijednosti projekta i iznosom dodijeljenih finansijskih sredstava

Komisija je konstatovala:

- da su po ponovljenom javnom pozivu pristigle dvije prijave i to prijava aplikanta „Zeka-comerc“ d.o.o. Gračanica i „Imperial-invest“ d.o.o. Tuzla.
- sve prijave su blagovremene (prijave su dostavljene prije isteka krajnjeg roka za dostavljanje prijavi 05.11.2025. godine do 15,00 sati),
- kada je u pitanju osnovanost prijave-prijava podnesena od strane pravnog lica koje ima pravo učešća:

- 1) Prijava aplikanta „Zeka-comerc“ d.o.o. Gračanica je osnovana, odnosno podnesena je od pravnog lica koje ima pravo učešća na ponovljenom javnom pozivu u skladu sa tačkom 3. Ponovljenog javnog poziva. Radi se o postavljanju DC punionice sa dva priključka snage 2x25 kW=50kW na parking prostor trgovačkog centra „Zeka-komerc“ u Gračanici, a što je u skladu sa tačkom 2. i 3. Ponovljenog javnog poziva;
- 2) Prijava aplikanta „Imperial-invest“ d.o.o. Tuzla nije osnovana u smislu prava učešća iz tačke 3. Ponovljenog javnog poziva. Aplikant u svojoj prijavi-obrazac 1. u dijelu „objekat na čijem prakingu ili garaži se postavlja punionica za električna vozila (zaokružiti)“ dodao, u obrascu prijave, nepredviđenu tačku 7. „ostalo- stambeno-poslovni objekat“, a koja nije u skladu sa tačkom 3. Ponovljenog javnog poziva. U prijavi se navodi da je aplikant planirao postaviti dvije AC punionice, a što nije u

- skladu sa tačkom 2. Ponovljenog javnog poziva, gdje se navodi da se sredstva dodjeljuju za izgradnju i postavljanje DC punionica (punionice sa brzim punjačima).
- Prijave pristigle po objavljenom ponovljenom javnom pozivu koje su pravovremene, dopuštene i podnesene od strane podnosioca prijave koji imaju pravo učešća na ponovljenom Javnom pozivu, a sadrže svu potrebnu dokumentaciju, ocjenjene se u skladu s uslovima i kriterijima utvrđenim Odlukom i ponovljenim javnim pozivom. Komisija konstatuje da je prijava aplikanta „Zeka-comerc“ d.o.o. Gračanica prihvatljiva u skladu sa uslovima iz Ponovljenog javnog poziva. Pristupilo se bodovanju pristigle prijave/prijavljenog projekta u skladu sa kriterijima iz tačke 6. Ponovljenog javnog poziva.
 - Komisija je formirala rang listu projekata prema broju ostvarenih bodova prijavljenih projekata u skladu sa tačkom 6. Ponovljenog javnog poziva i listu aplikanata čije prijave nisu zadovoljile uslove iz Ponovljenog javnog poziva.

Nakon što je Komisija izvršila gore pobrojane zadatke utvrđene Rješenjem o imenovanju Komisije, sačinjena je Preliminarna lista projekata po ponovljenom javnom pozivu za raspodjelu namjenskih sredstava prikupljenih po osnovu naknade za obavljene tehničke preglede vozila u cilju sufinansiranja projekata izgradnje i postavljanja punionica za punjenje cestovnih vozila s pogonom na električnu energiju za javnu upotrebu na području Tuzlanskog kantona - kapitalni transferi privatnim preduzećima i poduzetnicima – 2025, broj 05/1-23-033161-2/25 od 07.11.2025. godine. Preliminarna lista je objavljena na web stranici Vlade Tuzlanskog kantona i Ministarstva 07.11.2025. godine, a aplikanti su imali pravo da u roku od pet dana od dana objavljivanja Preliminarne liste, Ministarstvu dostave prigovore na objavljenu listu. Na objavljenu Preliminarnu listu nije zaprimljen niti jedan prigovor.

Komisija je pristupila izradi prijedloga Odluke o utvrđivanju konačne liste o odobravanju finansijskih sredstava korisnicima s iznosima i namjenom - kapitalni transferi privatnim preduzećima i poduzetnicima (konačne liste) koju dostavljamo ministru na dalje postupanje.

Ministar donosi Odluku o utvrđivanju konačne liste o odobravanju finansijskih sredstava korisnicima sa iznosima i namjenom. Konačna lista se objavljuje na web stranici Vlade Tuzlanskog kantona i Ministarstva.

Ministarstvo trgovine, turizma i saobraćaja TK